

جَزَائِرِ حَاكِمِي

جمعه ایرتسی

نومرو	جاذی الاولی	سنه	تشرین ثانی	سنه	صحیفه
۶۲۷	۲	۱۳۰۹	۲۳	۱۳۰۷	۹۱۴۹

(اشبو غزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکر می غروش)
 (حسابیله التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخه سی ینه مجیدیه یکر می غروش اولوق اوزره یوز پاره یه هر یرده صاتیلور . درج اولنه حق)
 (اعلاناتک هر برندن بر مجیدیه اخذ اولنور . سنه لکنه مشتری اولوق استیانتلر عدلیه نظارتی)
 (دائره سنده کائن جریده محاکم اداره سنه مراجعت ایلملیدر)

قسمت سی

وقوعاتی حاوی اوله رق هر آی ارسالی مأمورین
 مالیکه قرار نامه سنک الی التبعی ماده سی احکامندن
 اولان وقوعات جدوللریله صندوق عائداتک
 مقدار و کیفیاتی مبین هر سنه کوندر لمسی مشروط
 اولان قطع حساب پوصله لرینک وقت وزمانیله
 تسبیاری بالدفعات اشعار و تأکید اولندی
 و معاملات مالیله تکاسلاری کوریلان مأمورین
 حقنده اجرا اولنان معامله نک صندوق عائداتینجه
 تأخراته سبب اولنلره دخی شامل بولندی
 ینه جداول مذکوره ایله قطع حساب پوصله لر

(فی ۲۳ ربیع الاخر سنه ۳۰۹ وفی ۱۳ تشرین)
 (ثانی سنه ۳۰۷ تاریخده بالجله ولایات استیناف)
 (محکمه سی مدعی عمومیلرینه و مدعی عمومی)
 (بولنمیان محاکم مدعی عمومی معاونلرینه یازیلان)
 (محکرات عمومی صور تید)

مأمورینجه وقوع بوله حق ترقی و تبدل کی

کوند رلامکده و بوايسه معاملات حسابيه بي
سکته لندرمکده اولسنه و بومثللو اوامرو مقررات
احکامنه عدم رعایت قانوناً موجب مجازات
احوالدن بولنمسنه بناءً اشبو تحریراتک تاريخ
وصولدن اعتباراً نهایت الی آخر طرفده شمدی به
قدر تراکم ایش اولان حساباتک رؤیتله وقوعات
جدوللری و صندوق عائداتی و قطع حساب
بوصله لری کوندرمیان مأمورینک تحت محاکمه به
النمق اوزره لازم کلان معامله نک ایفای ملکيه
تقاعد نظارت جلیله سنک اشعاری اوزرینه
شورای دولته صادر اولان قرار اقتضاسندن
اولغله کیفیتک داخل دائره مأموریتلرنده بولان
تجارت محکمه لری ایله بولره قیاساً متشکل بدایت
محکمه لری ریاستلرینه تبلیغه مسارعت اولنمسی
اخطار یله شقه .

(فی ۲۳ ربیع الاخر سنه ۳۰۹ و فی ۱۳ تشرین)
(ثانی سنه ۳۰۷ تاریخده بالجله ولایات استیناف)
(محکمه سی مدعی عمومیلرینه و مدعی عمومی)
(بولنمیان محللر مدعی عمومی معاونلرینه یازیلان)
(تحریرات عمومی صورتیدر)

(فی ۲۳ ربیع الاخر سنه ۳۰۹ و فی ۱۳ تشرین)
(ثانی سنه ۳۰۷ تاریخده بالجله ولایات استیناف)
(محکمه سی مدعی عمومیلرینه و مدعی عمومی)
(بولنمیان محللر مدعی عمومی معاونلرینه یازیلان)
(تحریرات عمومی صورتیدر)

خزینة جلیله نک اعشار ملتزمیلر یله سائر
ذمتلرنده تین ایدیه جک مطلوباتک تحصیل ضمننده
وقوعبولان مصارف محاکمه و تفرعات اموالدن
تسویه اولنوب شهریه جدوللرینه ادخالاً کوند-
ریلان سنداتی اوزرینه خزینة جه معامله اجرا
اولنمقده ایسده مذکور سندلرک بعضیلرینه ربع
خرج و پول پاره سی کی شیلر ترقیم اولندی
کور یلوب حالبوکه خزینة جلیله ربع خرج
اعطاسندن مستثنا اولغله برابر ربع خرجک
بالآخره اعلام خرجندن محسوبی طیبی ایدو کندن
بعد ازیں بومثللو حقوق خزینة به متعلق دعوالر
ایچون ربع خرج و یلامسی حقنده مأمورین
مالیه به بالعموم تبلیغات لازمه اجرا اولندی
بویابده نظارت محیدن برکونه تبلیغات وقوع
بولدی بیانیله بعض محللر جه الآن ربع خرج
استلمکده اولدی بویکره باتذکره مالیه نظارت
علیه سندن اشعار اولنمش و دردیجی جلد دستورک

(فی ۲۶ ربیع الاخر سنه ۳۰۹ و فی ۱۶ تشرین)
(ثانی سنه ۳۰۷ تاریخده بالجله ولایات استیناف)
(محکمه سی مدعی عمومیلرینه و مدعی عمومی)
(بولنمیان محللر مدعی عمومی معاونلرینه یازیلان)
(تحریرات عمومی صورتیدر)

واردات و مصارفاتی بااراده سنیه حضرت
پادشاهی موازنه به ادخال ایدیش اولان جریده
محاکم بدلاتنک مأمورین عدلیه نک مارت و نهایت
نیسان معاشرندن توقیف وارسالی وسین سابقه

محكمة تميز باش مدعى عمومى معاونلرندن سعادتلو
طلعت بك افندي به

سعادتلو اقدام

محول عهدہ بہہ لری اولان اوراق متراکمة
رسمیہ نك كاملاً الدن چیقارلمش ونزد والالرنده
هیچ برطاقم اوراق قالمش اولدینی قیداً
اکلاشلدیغنه وبوصورت شایان تقدیر ومکافاة
بولندیغنه دائر باش مدعى عمومىك مأموریت
علیه سندن اعطا اولنان تقریر مألندن امور مأمورة
والالرنجه وقوعی مستبان اولان مساعی مقدمانه
وغیرت وظیفه پرورانه حسن خدمت اتارندن
وموافق دلخواه عالی مواددن اوله رق سزاوار
تقدیر وتحسین بولنمسیله بیان محظوظیته ابتدار
قلندی اولیابده اراده افندمکدر .

فی ۵ صفر سنه ۳۰۸

وفی ۲۸ اغستوس سنه ۳۰۷

عدلیه ناظری

بقایاسنك دخی پیدر پی تحصیل وارسانی فی ۲۳
مایس سنه ۳۰۷ تاریخلی تحریراته اشعار اولدینی
حالده سال حال بدلاتندن قسم کلیسنك هنوز
ورود ایتدیکی بودفعه جریده مذکورہ
اداره سنجه اجرا قلنان تدقیقات حسابیه دن
اکلاشلمش اولدیغنه وبروجه مشروح واردات
دولت صرہ سنه کچمش اولان بدلات مذکورہ نك
تحصیلاتنجه قیدسزلق کوسترلمسی اموال دولتك
ضیاعنه سببیت دیمك اولمسیله بویوزدن ترتب
ایده جك مسؤولیتك مسیبلرینه عائدیتی بدیی
بولنمسنه مبنی ارتق بورالری نظر دقتہ الہرق
سال حال بدلاتی اشبو تحریراتك وصولی تاریخندن
اعتباراً نہایت برماہه قدر تحصیل واسال اولنمز
وسنین سابقہ بقایاسی تحصیلاتنجه اہمیت ویرلمز
ایسہ مجموع بدلاتك محاسبہ جیلک معرفتہ
معاشکردن دفعہ توقیف ایتدیلمسی مقرر
ایدوکندن اکا کورہ ایفای مقتضای حالہ مسارعت
اولنمسی اخطار یلہ شقہ ترقیم قلندی .

قسم غیر رسمی

(اوچوز یدی سنہ می شوالنك التنجی کونہ)
(مصادف اولان اوچوز التی سنہ می مایسنك)
(اون اوچنجی بازار کونی ساعت یدی)
(رادہ لرنده قنطار جیلرده کیکجی سنان محلہ سنده)
(واقع صابونخانہ عرصہ سنده مخنوقاً لغشی)
(بولنان مرحوم رفعت پاشا حفیدی رفعت بکی)
(اخلاق واتلاف ایتدیگری ادعاسیله مظنون)
(علیهم اولان صدرالدین بك بن حدی و ابراہیم)
(معین افندی بن احمد و بحریہ یوز باشیلرندن)
(سلیمان بك بن سلیمانك اجرا قلنان محاکمہ)
(علیہ لری ضبطنامہ سی صورتندن مابعد)

بعده ایلروسنہ وارہرق تدریجاً مستنطق و محکمہ
حضورندہ کی افادہ سنہ واصل اولمقدہ ویکدیگریہ
مبارین افادہ لردہ بولنسه بیلہ حق مدافعه اولوب
بوندن مجرمیت معنای استخراج اولنہ میہ جغنی
وموکلنک ویرمش اولدینی افادہ لر جزئی وکلی
فرق ایلہ بر نتیجہ یلہ واصل اولمقدہ یعنی صرافیمک
قراستخانہ سنده سلیمان بك ایلہ بولندیغنی واورادہ

محكمة تميز باش مدعى عمومى معاونلرندن
سعادتلو طلعت بك افنديك محول عهدہ بہہ لری
اولان اوراق متراکمة رسمیه نك كاملاً الدن
چیقار یلہرق نزد والالرنده هیچ برطاقم اوراق
قالمدینی قیداً اکلاشلدیغنه وبوصورت شایان تقدیر
ومکافات بولندیغنه دائر باش مدعى عمومىك
مأموریت علیہ سندن مقام جلیل نظارتہ وقوع
بولان عرض وانہا اوزرینہ مومى الیہك مساعی
واقدمات واقعہ سنی تقدیراً کندوسنہ بر قطعہ
تحسیننامہ تسیار بیورلمش اولدینی واصل سمع
ممنونیتمز اولمش وذاتاً کندولرینك اقتدار واهلیت
قانونیہ لری اثار فعیلہ سیلہ جلہ عندندہ مسلم اولوب
بو صورتلہ معلومات قانونیہ لری حقوق عبادك
استفادہ سی یولندہ کمال غیرت و ہمتلہ صرف
بیورملری حقیقہ موجب تشکر حالاتدن بولنمغلہ
مذکور تحسیننامہ درج ستون مفخرت
قلنمشدر .

رفت بكي اياك دفعه اوله رق كورد يكني وياولوسدن
 راقى الديغنى و برابرجه معين افنديك خانه سسه
 كندكريني واوراده عشرت ايدوب رفعت بگله
 منازعه ايلدكريني و معين افندى كندوسنه برقرار
 و پرهرك ال كيت ديدى كنى و فرداسى سايمان يكي
 كوروب رفعت بك حقه دفعه بعض افاداده بولنديغنى
 و نهايت الامر ايرلدينى و حقيقت بوندن عبارت
 اولدينى جمله افاداتك مزج ايدلسيله ميدانه
 چيقمقده ايدوكنى و موكلتك بوايشده مدخل
 اولديغنه دائر بر اقرارى اولدينى كى ميايت
 افاده لرندن دخى شريك تهمت اولدينى تحق ايتيوب
 زيرا كندوسى او كيجه رفعت بك ايله بولنمش
 ايسه برنجى دفعه كندوسنه اولان سوال رفعت
 بكي نصل اولد يردك دينلمسى زياده سيله موكلتى
 دوچار تلاش ايدوب رفعت بك ايله برابر بولنوب
 عشرت ايتديكى و منازعه ايلديكى سويلر ايسه
 تحت ظن و مسئوليتده قالورم كى ملاحظاته اولان
 انكار بعده يواش يواش بويله مياين افاداده
 بولنمش ايدوكنى و حالبوكه اوته كينك بروكينك
 و چوق دفعه كذب مبتى اولان شهادته بر درجه يه
 قدر حقيقتى ايصال ايدن و يا خود ايتديكى ظن
 اولنان دلائل و اماراته حكم ايدن و يا گللى دخى
 ملحوظ اولان عدالت انسانيه ايله حكم ايديله چكى

حالده بر كيمسه واقعا بن بيكناهم لکن عليهمده
 شواهدات واقعدر بولرله بدن شبهه اولنه بيلور
 و بلكه محكوم اوله بيلورم ملاحظه سنى بر مظهر
 حس ايله بو يولده حر كته بولنوب افاده
 و برمسى جائز اولديغندن موكلتى ايچون بوايشك
 فاعلى اولدينى جهته مياين افاده لرده بولهرق
 كتم حقيقت ايديه بور دينله ميوب بالعكس تبريه ايتك
 ايچون ملاحظات معروضه يه مبنى هر قدر برى الزمه
 ايسه ده بلكه عدالت انسانيه ياكور و عليهنده
 بشقه معنى و يريلور ديوخوف و اخترازدن بو كى
 افاده لرله كندوسى مدافعه ده بولنمش ايدوكنى
 و نهايت الامر حقيقت حال موكلتك مستنطق و محكمه
 حضورنده عرض ايتديكى جهت و بونى تأيد ايدن
 احوال موكلتك رفعت بك ايله غوغا ايتديكى
 و برونك قتالدى متهملرك هر اوچك افاده لرندن
 وقان لكه لرندن اكلاشدينى براز صكره باريشوب
 برابرجه كيتملرى مستبعد اولديغنى و رفعت بگه بر
 طوقات اورلدقن صكره عفو ايدرده يكيدين
 محبت ايلر طاقدن اولديغنى مدعى شخصى و كيلتك
 دخى سويلمسى كندوسنك ادعاسنى تأيد و رفعت
 بك موكليله برابرجه كندكريني تكذيب ايلديكى كى
 معين افنديك و يرديكى قنار موكلتك طوغرىجه
 او طه سنه كنديكى قنار ك اتده بولنمسيله مثبت

اولوب كرچه رفعت بك ايله قالقوب كيتسه و بوفعل
 يولده و موكلتك زدنده و قوعنولسه قنارك موسى
 بيتوب و يا خود غوغا اثناسنده ياتوب غائب اوله جنى
 دركار ايدوكنى و معين افنديله سليمان بكي وقعه دن
 صكره كورن كيمسه اوليوب موكلتى ايسه ساعت
 درت و بش راده لرنده قراشخانه خدمتچيسى
 كريفو كوروب موكلتى حقه دفعه اسناد اولنان او يله
 غوغا و اجرا قلنان قتل ماده سنده ذيمدخل بولنانلرده
 حاصل اولمسى طبيعى اولان تلاش و شاشقنلغه دائر
 بر اثر كوريله مامش اولمسى موكلتك برائتى اثبات
 ايدر احوالدين اولدينى مثلو رفعت بك قنار ايله
 مدافعه ايتديكى و قوى البنيه اولوب مقابله ايلديكى
 اطبارا بورتنده مندرج اولدينى حالده موكلتك
 البسه سنده و يا خود چهره سنده بر اثر كوريله مامسى
 موكلتك معين افنديك خانه سندن چيقوب طوغرىجه
 او طه سنه كنديكى تأيد و وجدانا تصديق ايدر
 احوالدين اولدينى مثلو معين افنديله سليمان بك دخى
 موكلتك قنار اتده اوله رق خانه دن چيقديغنى تصديق
 ايله ياكور رفعت بگله برابر كنديكى سويلمكده
 ايسه لرده بو جهتي اثبات ايتملرى لازمكوب حالبوكه
 بوسوز قول مجرد لرنده قاهره سائر دلائل
 كوسته مدكرندن موكلتك ياكور اوله رق قنار ايله
 مذكو خانه دن چيقوب او طه سنه كديكى اثبات

ايدلمش اولديغنى و ايكنجى براحتيالاته كلنجه رفت
 بك معين افنديك خانه سنده قتل اولنديغنه و موكلتى
 صدرالدين بك دخى اوراده حاضر بولنديغنه
 دائر اولوب حالبوكه مذكور خانه ده فعل قتل
 وقوعه دائر اماراتك موجود اولوب اولديغنى
 تدقيق كندوسنه عائد اوليوب ياكور صدرالدين
 بك اوراده حاضر بولنديغنى اثبات ايچون دلائل
 و امارات درميان ايدلمديكندن بو بابه اعطاي
 جوابدن مستغنى ايدوكنى و موكلتى هر قدر بيكنا
 ايسه ده تهلكه ده و ظن تحتده بولنديغنى حس ايدرك
 بلكه برطاقم سوزلر ايله مخبر اولورم و يقامى
 قورتايرم ملاحظه سى وارد خاطرى اوله رق
 و وعدلرله قابيله رق برطاقم سفسطه ده بولنديغنى
 و موكلتى عليهنده اوچ نقطه درميان ايديلوب
 برنجيسى كريفو قنار افاده سى و ايكنجيسى چرخى
 نورينك شهادتى اوچنجيسى موكلتك اقرار مؤلى
 اولوب حالبوكه كريفو موكلتك بشى چاريك كچرك
 قراشخانه كه كديكى سويلمش و موكلتى على التخمين
 ساعت اوچ بجهته معين افنديك خانه سندن
 چيقديغنى افاده ايلمش اولديغندن بر كيمسه بر
 خانه دن چيقديغنه و يا رمله كنديكند آروچوق
 ساعتى بيله بيلور ايسه ده موكلتك او اقشامكى
 سكر حاليله ساعته باقىسه بيله ياكور كورمش اولمسيله

جمله احتمالاتدن اولدینی مثللو برونسك قانی
یقایوب وفسار ازانیلوب بولنجیه قدر زمان
مرور اتمی و برده آبق آدمك یارم ساعتده
کیده جکی بر مسافه نی سکر حالدیه کی آدمك دخی
یارم ساعتده کیده بیله جکئی عقل سلیم تسلیم
ایده میه جکی مثللو موکلی قراشخانهك اوکنده

مابعدی وار

(اوچیوز یدی سنه سی جزیرانك اوچنجی بازار)
(ایرتسی کیجه سی جندی میداننده جرح و قتل)
(ایدلش اولان ژاندارمه ملازملرندن حسن)
(اغانك کیفیت قتلندن طولانی مظنون علیه)
(اولان زنجی انور بن عبداللهك اجرا قتلان)
(محاکمه علیه سی ضبطنامه سی صورتیدر)

اوچیوز یدی سنه سی جزیرانك اوچنجی
بازار ایرتسی کیجه سی جندی میداننده جرح
و قتل ایدلش اولان ژاندارمه ملازملرندن
حسن اغانك کیفیت قتلندن طولانی مظنون علیه
اولان زنجی انور بن عبداللهك جنایتله اتهامه

دائر هیئت اتهامیه تنظیم قتلان ۱۰ اغستوس
سنه ۳۰۷ تاریخ وایکیوز التمش برنومرولی
مضبوطه ایله استیناف مدعی عمومیلکی مأموریت
بهیه سنك ۱۹ اغستوس سنه ۳۰۷ تاریخ
ودرتیک اوچیوزیتش یدی نومرولی اتهامنامه سی
اوراق متفرعه سیله ۲۷ اغستوس سنه ۳۰۷
ناریخنده محکمه جنایتسه تودیع اولمغله بالمطامعه
اصول محاکمات جزائییه قانوننك ایکیوز قرق
سکرنجی وایکیوز قرق طقوزنجی ماده لرپنه توفیقاً
مرقوم انور یوم مذکورده توقیفخانه دن جلب
استجواب ومدافعه سننده معاونت ایتك اورره
وکیل اولوب اولدینی سؤال اولندقدنه اون طقوز
پاشنده اولوب از میرده املاك کتابتده استخدام
اولندینی و اوچ ماهه دنیرو برقتسل کیفیتندن
طولانی موقوف اولدینی و اتهام مضبطه سی
کندوسنه تبلیغ ایدلکیکی ومدافعه سنه معاونت
ایتك اورره دعوی وکیللرندن قصار افندی بی
انتخاب ایدلکیکی سولیمکله مرقومه مومی ایله
قصار افندی وکیل تعیین و تاریخ استجوابدن
اعتباراً بش کون ظرفنده اتهام مضبطه سنك
علیهنده ادعای مفسوخیت استدعاسه حق اولدینه
دائر قانون مزبورك ایکیوز الی برنجی ماده سی
مندرجاتی دخی اخطسار قلمغله اشبو ضبطنامه

بالتظیم تحت امضایه الندی .

ادعای مسوخیت حقنده معین اولان مدت
قانونیه منقضیه اولمغله اجرای محاکمه اوچیوز
یدی سنه سی ایلولنك اون دردنجی کونه
قرارلشدیرلدی .

یوم مذکورده متهم انور علی الاصول
توقیفخانه دن جلب ایله وکیل قصارافندی یاننده
اولدینی ومتوفی حسن اغانك قرانداسی مدعی
شخصی ژاندارمه نفراتندن حسین اغا ایله مدعی
عمومی معاونلرندن ممدوح بك حاضر بولندینی
حالده علناً اجرای محاکمه یه بالابتدار مرقوم انور
استجواب اولندقدن و اصول محاکمات جزائییه
قانوننك ایکیوز التمش دردنجی وایکیوز التمش
بشنجی ماده لری مدلولاتی دخی اخطار قلدقدن
صوکره اتهام مضبطه سیله اتهامنامه ضبط کاتبی
جمال افندی یه قرائت استدرلدی .

مذکور مضبطه نك مالی اجرا قتلان تدقیقات
استتطاقیه نتیجه سننده مظنون علیه انورك سواقده
بالمنازعه ملازم حسن اغایی بیحاق ایله جرح و قتل
ایدیکی ومؤخرأ اثنای فرارنده اوکنه تصادف
ایدن تاج الدینی دخی جرح ایتدیکی طایعاً
وقوعبولان اقراری وکشف ومعاینه نی حاوی

راپورت مندرجاتی ایله اکلاشلشمش اولدینندن
وحرکتی قانون جزانك یوزیتش دردنجی
ماده سنه موافق بولندینندن جنایتله اتهامه قرار
ویرلیدیکی و اتهامنامه نك مفسادی دخی مرقوم
انورك مذکور مضبطه موجبجه متهم بولندینی
شاملدر .

اتهامنامه نك خلاصه سی جانب ریاسندن متهم
انوره تفهیم ومعاون مومی ایله طرفدن دخی
اسباب اتهامی بیان وتفصیل اولندقدن صوکره
مرقوم سولیتدیرلکده وقعه کیجه سی خانه سنه
زنباره المش اولان الفت قادینك پنجره سنه
برقاج طاش آتوب فرار ایدایکین جندی میداننده
ملازم حسن اغا ایله طانیمدینی برشخص اوکنه
چیقوب وای پوشت سنمیسین دیهرك ملازم
حسن اغا قلنجی بالتشهر باشنه اوره جنی صروده
کندوسی امان حسن اغا بی یاقه دیو قلنجك
قبضه سنه صارلدیغنده حسن اغانك رفیق ارقه دن
کندوسی برشیله ضرب اتمی وحسن اغاده
براق پوشت دیهرك قولی قلنجدن قورتارمق
ایستمی اوزرینه کندوسی تلف ایده جکئی
اکلایه رق قلنجك قبضه سی راقیوب جانی قورتارمق
ایچون تردنده بولسان بیحای بر دفعه بالدرینه

و بردفعه ده قولنه صوقدقندن صوکره حسن افا
کندوسنی براقغه فرار ایدر ایکن کوشه باشنده
تاج الدین اوکنه چیقوب انور نه یابدک دیدیکی
و کندوسیده براق سنده دیرک قولنی صالایوب فرار
ایتدیکی صروده اندکی بچاق تاج الدینک بر مغنه
تصادفه جرح ایتش اولدیغنی سویلدی .

مرقوم انورک پولیس و دائرة استنطاقده کی
افاده لری قرائت ایتدیرلده بونلردن پولیس
دائرة سنده کی افاده سنده بچاغی حسن اغانک
قارنه صوقدیغنی واستنطاقده کی افاده سنده دخی
مذکور بچاغی اشاغیدن یوقارو بر قاج دفعه حسن
اغانک قولنه صوقدیغنی سویلمش اولدیغندن
بونلرک قغیسی طوغری ایدوکی مرقومدن
صورلدقه حضور محاکمه ده کی افاده سی طوغری
اولوب دیگرلری سهواً او یله یازلمش اولدیغنی
سویلدی .

اساس زورنالیه معاینه راپورتی قرائت
ایتدیرلده بونلردن زورنال مالی جریان وقو-
عانی حکایه دن و راپورت مزایای دخی حسن افا
معاینه اولندقه تخمیناً اوتوز بش یاشنده وقوی
البیه اولوب صول بازوسنی ناحیه والیه سنده اوجی

سیوری بر آلت قاطعه ایله حصوله کیش اوج بچق
ساتیمترو طولنده بر عدد جرح کورلدیکی کبی
بازوی مذکورک ینه طرف اعلا سنده و قدامنک
قولتغه قریب محلده عین آله حاصل ایکی بچق
ساتیمترو دیگر بر جرح کوریلده شوا یکی جرح
عین آلتک خارجدن دخول وایسردن ایمنه بین
العضلات مرور و عظم عضدک اوک طرفندن
سیر ایدرک بازوی مذکورک بروجه بالا قولتغه
قریب محلندن خروج ایلدیکی اکلا شلمش و بطنک
صول ناحیه وسطی سنده واقع ینه اوجی سیوری
بر آلت قاطعه ایله حاصل عموداً بش ساتیمترو
طولنده دیگر بر عدد جرح لدی المشاهده اشبو
جرح جوف بطنه نافذ اولوب امعاء رقیقه نک
بر حیلی مقداری اوج محلندن مجروح اوله رق
خروج ایتش اولدیغنی و سبب وفاته کانه
بطنک حین جرحنده بعض شرائن مهة بطینه نک
قطعندن ناشی زیاده سیلان دم داخلی وقوعه و له رق
اندن متأثراً و متعاقباً وفات ایلدیکی اکلا شلدیغنی
مشمولدر .

مدعی عمومی طرفندن شهود بوصله سی
اعطاسیله شاهد اقامه اولنماش ایدو کندن دائرة
استنطاقده افاده سی ضبط ایدلمش اولان تاج الدینک

افاده سی قرائت ایتدیرلده خلاسه سی انورایله
حسن افا منازعه ایدرک بوغوشدقنلری صروده
حسین اغانک قلنجی چکماش ایدوکی سویلدیکی
میندر .

مدعی شخصی حسین افا سویلدیرلده
کندوسنک کیفیت جرحی کورمیدیکی و فقط
جارج و قاتلک انور اولدیغنی اقرارندن مستبان
اولدیغندن برادری حسن اغانک قانه قان ایستدیکنی
درمیان ایلدی .

بونک اوزرینه وکیل قصبار افندی متوفی
حسن اغانک قلنجله موکلی قوغلدیغنه دائر مدافعه
شاهدلری اولدیغندن و بونک ایچوننده موکلی
طرفندن ۱۲ ایلول سنه ۳۰۷ تاریخده راستدا
ویرلمش اولدیغندن شهود مرقومه نک جلب
و استماعلرینی طلب ایتسی اوزرینه مذاکره او طه
سنه کیدیلده رک کیفیت لدی المذاکره مدافعه شاهی
اولدیغنه دائر محکمه یه اعطا اولندیغنی متهم
وکیلنک بیان ایلدیکی مذکور استداده شاهدلرک
نه نک نبوتی ایچون اقامه اولنه جغه یعنی مدافعاتنک
ندن عبارت بولدیغنه دائر بر بحث اولماسی و علی
الخصوص اصول محاکمات جزایه قانوننک تعریفی
وجهله نسختین اوله رق تنظیم اولنماش و شرائط

لازمه یی جامع بولنماش اولسی جهته رد واعاده
سنه قرار ویرلمشیدی یکیدن برمنوال محرر
قانون دائر سنده بر استدا تقدیم اولنماش
وبویولده مستدعیاتک محاکمه دن یکرمی دوت
ساعت اول اعطاسی مشروط بولنمش ایکن مدافعه
وکیلنک اننای محاکمه ده بوکا دائر سبق ایدن
افاده سی تأخیر محاکمه یی موجب کوریلده مدیکندن
ردی لزومه قرار ویرلدی .

اشبو قرار محاکمه او طه سنه چقیله رق علناً
طرفینه قهیم اولندقدن صوکره تحقیقاتک بوندن
عبارت ایدوکی جانب ریاستدن بیان اولندقه
معاون مومی الیه مرقوم انورک ملازم حسن اغانی
اننای منازعه ده بچاقله جرح و قتل ایلدیکی
وقوعبولان اقراری و معاینه راپورتی مندرجاتیه
ثابت اولدیغندن و مرقومک مدافعه صورتی
کوستر می کندوسنی قورتارمق ایچون اوله جفندن
مرقومک بحرمیتک تحت قراره النمنی و وکیل
مومی الیه دخی متوفی حسن اغانک قلنجله موکلی
تحریری ایتدیکی و مؤخرأ بولدیغنده قلنجله
اوزرینه هجوم و الته الهرق اولدرمه قصدا ایلدیکی
محقق اولدیغندن موکلنکه تجلیص جان ایچون
متوفای مومی الیهی جرح ایله فرار ایتسی معذرتی

موجب اوله جفتی و حسن اغانك قصدی اولمسیدی
موكلتك اصلا جرحه جرات ایتیه جکی طبعی بولندیغی
وشو حالده موكلی بالمدافعه قاتل دیمك اولمغه
اولوجهله حقنده قرار ویرلمسی طلب ودرمیان
ایتملریله ولدی السؤال طرفینك بشقه دیه جکری
اولدیغی اكلاشلمغه محاکمه نك ختام بولدیغی بیان
اوله رق مذاکره او طه سنه کلندی .

طرفینك ادعا ومدافعاتنك استماعدن واوراق
موجوده نك مطالعه وتدقیقندن صکره ایجاب
کیفیت مذاکره اولندقدده ملازم حسن اغانك
صول قولنك ایکی محلندن وبطنك صول ناحیه
وسطیسندن جرح اوله وق اشبواوچ جرحلردن
متأثراً وفات ایلدیکی طیب راپورقی مندرجانندن
اكلاشلمسینه وجرح مذکورك متهم انور طرفندن
ایقاع ایلدیکی کندوسنك پولیس واستتطاق
دائرة لرنده مضبوط اولان ومحكمه حضورنده
سبق ایدن اقراریه متحقق بولنمسینه وهرقدر
متهم انور مدافعه نفس ضمیمه اشبوفعلی ارتکاب
ایلدیکی سويلمکده ايسه ده کندوسننده برکونا
ضرب وجرح اثری کوریه مامش و حسن اغانك
قلنجی چکماش اولدیغی حقنده تاج الدینك
مستطاق حضورنده ضبط ایدلمش اولان افاده سی

متهم مرقوم ایله وکیلنك اولباده کی مدافعه لرینی
حکم واعتباردن اسقاط ایلنسنه نظراً مرقوم
انورك بالتهور فعل جرح و قتله اجتناسارندن
طولانی مجرمیتنه دائر متفقاً ویریلان قراری
حاوی تنظیم وامضا اولنان قرارنامه محکمه او طه سنه
چیقله رق علناً قرائت وتبهم اولندقدده معاون
مومی ایله مرقوم انورك حرکتی قانون جزانك
یوز یتیش دردنجی ماده سنه موافق اولدیغندن
اولوجهله تعیین ووکیل مومی ایله دخی تخفیف
جزاسنی طلب ایتملریله مذاکره او طه سنه عودت
اولندی .

جهت جزائییه سی دخی مذاکره اولندقدده
مجرم انورك حرکت متبینه سی ادعا اولندیغی
وجهله جزا قانوننامه هایوننك یوزیتیش دردنجی
ماده سنك فقره اولیسنه موافق اولدیغنه وفقره
مذکوره ده دخی بر آدم برکیمه سی من غیر تعمد
جرح واتلاف ایدرایسه اون بش سنه مدته کورکه
قونیلور دیو محرر بولندیغنه مبنی فقره مذکوره
حکمنه توفیقاً وابتدای توقیفی اولان اوچیز
سکرسنه سی ذی القعدده سنك سکرنجی کونندن اعتباراً
اون طقوزنجی ماده قانونیه منطوقنجه بعدالتشهر
اون بش سنه مدته کورکه قونلمسینه واستتطاق

وضبط واعلام خرجلری اولان جمعا یوز اوتوز
غروشك مرقوم انوردن بالتحصیل عدلیه وژنه سنه
تسلیم ایتدیرلمسینه اوچیز طقوز سنه سی صفیرینك
یکرمی اوچنجی کوننه مصادف اولان اوچیز
یدی سنه سی ایلوانك اون دردنجی کونی کذلک
متفقاً قرار ویرلدی .

محاکمه او طه سنه چیقبولوب ماده قانونیه جانب
ریاستدن قرائت اوله رق اشبو قرار طرفینه علناً
تفهم قلندی .

اعلان

سلوری قصبه سننده مقیم ارنیود حسن اغا
وکیل و اسلاکی کریا کیدی افندینك سلوری
بدایت محکمه سنندن ویریلان فی ۷ تشرین ثانی
سنه ۳۰۶ تاریخ وسکسان ایکی نومرولی بر قطعه
اعلام موجبنجه الاجبی اولان اون عدد عثمانی
لیراسیله بوبایده وقوعبولان مصارف محاکمه

قارشو مدیون مرقومك همشیره سیله مشترکاً
متصرف اولدیغی سلوری مرعاسنده اورته چشمه ده
واقع رفیعہ خاتم واسعد اغا زاده احمد اغا ترلاری
وطرفینی طریق ایله محدود قرق بش دونم ترلاده
ایکی حصه اعتباریه مدیون مرقومك متصرف
اولدیغی محجوز بر حصه شایعه سی شهرحاک اون
طقوزنجی جمعه ایرتسی کونی سلوری چارشوسنده
بالزایده فروخته تثبیت ایدیله جکی اعلان
قلنور .

فی ۳ تشرین اول سنه ۳۰۷

سلطان حامنده ۴۲ نومرولی مغازه ده مقیم
تجاردن (ی) صواجی اوغلنك اقامتگاهی مجهول
تجاردن سیمون پاپاسیان علیه در سعادت محکمه
تجارتی ایکنجی مجلسندن استحصال ایلدیکی فی ۵
تشرین ثانی سنه ۳۰۷ تاریخلی و ۷۰۰ نومرولی
ویوز سکسان بر لیرا اوتوز غروشك فاض
ومصارف محاکمه سیله برابر تحصیلی حکمنی حاوی
برقطعه اعلام غیابی صورتنك بر منوال محرر
محکوم علیه سیمون پاپاسیانك محل اقامتی مجهول
بولندیغی جهتله ورقه دعوتیه مثلاً اعلاناً تبلیغی

اوچيك بشيوز آرشوندن عبارت ودرننده
ايكي بچوان اوپه سيله بر آخوري مشتمل بش
نومرولى بر قطعه بوستان كدكندن نصف حصه
شايعه سنك تاريخ اعلاندن اعتباراً اون بش كون
سكره بالزايده فروخته تشبث اولنه جنى در سعادت
اعلامات نظاميه اجرا دائره سندن اعلان
اولنور .

في ۱۲ تشرين ثاني سنه ۳۰۷

در سعادتده شايحي خاندنه اوچ نومرولى
اوپه ده مقيم ديمستون پتریدی طرفدن تحته قلعه ده
مفتي خاندنه مقيم صراف نيقولي ويواندن ايكنجي
محكمة تجارت اعلاميله محكوم الاجني اولان يمتش
ليرانك تأمینی ضمانتده مرقومانك خواجه پاشا
جاده سنده فرون زقاغنده سابق قرق بر واليوم
قرق بش نومرو ايله مرقم متصرف اولدقلىرى
چاشويحي دكاني اوزرينه وضع ايدلديكي حيزك
تصديقي حقه ده اقامه ايدلديكي دعوى اوزرينه
مرقومانه على الاصول ورقة دعوتيه تبليغ قلنديني
حاله گما لرندن طولايي حيز مذكورك تصديقي

طلب اولنمش واولوجهله صورت مذكوره اصول
محكمة تجارت نظارت نظامنامه سنك يكر منجي
ماده سنك در دنجي قهره سي احكامنه قياساً تبليغ
اولنمش عد اولنمق اوزره محكمه نك ديوانخانه سته
تعلیق ايدلديكي كي اوراق حوادث واسطه سيله ده
اعلانی لازم ككش اولغله تاريخ اعلاندن اعتباراً
قرق بر كون طرفنده مرقوم سيمون پاپاسيانك
محكمه يه مراجعتله اثبات وجود ايتمی لازم
كله جيكي و ايتديكي تقدیرده صورت اعلام كنديسنة
تبليغ اولنمش عدديله حكمنك اجرا اولنه جنی
معلوم اولمق اوزره اعلان كيفيته ابتدار قلندی .

في ۲۱ ربيع الاخر سنه ۳۰۹

وفي ۱۱ تشرين ثاني سنه ۳۰۷

اسماعيل حق افدينك ^{۲۲۲}/_{۲۲۲} نومروسيله مقيد
در سعادت بدايت محكمه سي برنجي حقوق دائره سنك
اعلامی موجبنجه متوفی پنايوط ذمتده الاجني
بولنان معلوم المقدار مبالغك تأمین استيفاسيچون
مرهون وفروختي محكوم اولان عورت يازارنده
جانبازيه محله سنده طاتلي قيو زقاغنده واقع تخمیناً

غيا باقر ارلشديريله رق تنظيم قناتان اعلام صورتلرندن
بری کرچه يوانه تبليغ قلنمش ايسه ده نيقولينك
بوندن بر بچق ماه مقدم مذکور مفتي خاندن
چيقارق نره يه كتيديكي مجهول اولديني مذکور
خان اوپه باشيسي طرفدن اولبايده كي علم و خبر
ظهيرينه ويريلان شرحدن اكلا شلمش اولديغندن
اصول محاكمه حقوقيه قانون موقتك يكرمی التبجي
ماده سي موجبنجه مذکور اعلام صورتي محكمه
ديوانخانه سته تعلیق قلنمش اولديني كي تبليغ مقامنده
اولمق اوزره بر صورتیده بو وجهله اعلان
قلندی .

في ۲۴ ربيع الاخر سنه ۳۰۹

وفي ۱۴ تشرين ثاني سنه ۳۰۷

قومقبو خارجنده اتمكجي اوسته سي واسيل
ولد يوركينك اقامتگاهي مجهول اتمكجي طبله كاري
اندر يا ولد اسپرو عليه نه در سعادت محكمه تجارتی
ايكنجي مجلسندن استحصال ايدلديكي ۴ تشرين ثاني
سنه ۳۰۷ تاريخي و ۵۸۶ نومرولى ويكرمی اوچ
ليرا ايله يكرمی بر غرو شك كذشته ومصارف
محاكمه سيله برابر تحصيل حكمنی حاوی بر قطعه
اعلام غيايی صورتك بر منوال محرر محكوم عليه

اندر يا ولد اسپرونك محل اقامتي مجهول بولنديني
جهتله ورقة دعوتيه مثله و اعلاناً تبليغ طلب اولنمش
واولوجهله صورت مذكوره اصول محاكمه تجارت
نظامنامه سنك يكر منجي ماده سنك در دنجي قهره سي
احكامنه قياساً تبليغ اولنمش عد اولنمق اوزره
محكمه نك ديوانخانه سته تعلیق ايدلديكي كي اوراق
حوادث واسطه سيله ده اعلانی لازم ككش اولغله
تاريخ اعلاندن اعتباراً قرق بر كون طرفنده
مرقوم اندريانك محكمه يه مراجعتله اثبات وجود
ايتمی لازم كله جيكي و ايتديكي تقدیرده صورت
اعلام كندوسنة تبليغ اولنمش عدديله حكمنك
اجرا اولنه جنی معلوم اولمق اوزره اعلان كيفيته
ابتدار قلندی .

في ۲۳ ربيع الاخر سنه ۳۰۹

وفي ۱۳ تشرين ثاني سنه ۳۰۷

حاجي علي افانك حاجه فاطمة الزهرا خانم
ذمتده روم ايلي صدارت عليه سندن ويريلان
في ۱۲ جمادى الاول سنه ۳۰۳ تاريخي بر قطعه
اعلام شرعی موجبنجه الاجني اولان مبالغ
معلومه نك تأمین استيفاسي ضمانتده مديونه مزبوره نك
عهده سنده اولوب محجوز وفروختي محكوم بولنان

فاتح جوارنده قریلی مسجد محله سنده یشیل
طلومیه زقاغنده واقع درت نومرو ایله مرقم
بر باب خانه مع بغچه نك نصف حصه سیله چارشوی
کیرده صندال بدستانی زقاغنده بدستان مذکور
قارشوسنده کائن یکرمی بر نومرو ایله مرقم بر باب
دكانك نصف حصه سی و اسکداره تابع بکمر بکی
قریه سنده استوروز نام محله استوروز چارشو
وجاده سنده واقع عتیق طقسان اوچ وجدید
قرق اوچ نومرو ایله مرقم بر باب اتمکچی فرونك
نصف حصه شایعه سی تاریخ اعلاندن اعتباراً
اون بش کون صکره بالمزایده فروخته تشبث
اولنه جفتدن طالب اولنلرک پی سورمک و بوندن
دها زیاده معلومات المقتیانلرک مدت مذکوره
ختامندن صکره در سعادت اعلامات شرعیه اجرا
دائرة سینه مراجعت ایلملری دائرة مذکوره دن
اعلان اولنور .

فی ۱۸ تشرین ثانی سنه ۳۰۷

شکری اصنافدن متوفی حاجی احمد افندی
ورثه سنک حسین حسینی بک ذمتده قسمت عسکری
محکمه سندن ویریلان فی ۲۷ شوال سنه ۳۰۲
تاریخی برقطعه ادا نه حیجی موجبجه الا جقلمری

اولان مبالغ معلومه نك تأمین استیفاسی ضمتنده
مدیون مومی الیهک عهده سنده اولوب مرهون
وفروختی محکوم بولنان استانبولده یدی قله
خارجنده قوجه مصطفی پاشا محله سنده واقع
درتیوز یکرمی یدی نومرو ایله مرقم بر باب بر
دکانی دروننده موجود کدک ایله ینه محل
مذکورده واقع اوچوز قرق یدی نومرو ایله
مرقم مقدما بر باب قصاب دکانی دروننده موجود
قصاب کدکی والیوم کارگیر بر باب منزل بوندن
اقدام مزایده یه قونیه رقی لیرا یوز غروش حسابیه
مذکور بر بر کدکی بشیک غروش و مذکور
منزل دخی اون درت بیک غروش بدل ایله طالبی
عهده لرنده تقرر ایتش اولدیفندن یوزده بش
ضمیله بوندن دها زیاده طالب اولنلرک اشبو
تاریخ اعلاندن اعتباراً او توز بر کون ظرفنده
در سعادت اعلامات شرعیه اجرا دائرة سینه مراجعت
ایلملری و مدت مذکوره ختامندن صکره طالبلری
عهده سینه معامله فراغیه سی اجرا قلنه جتی دائرة
مذکوره دن اعلان اولنور .

فی ۱۹ تشرین ثانی سنه ۳۰۷